



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
М А Е Н Ь
21-це чи
56 (1352) №

ЛИСИ: 11-це ие,
12 № ковс

Келейстэ аравтсынек агитационной роботанть видемань шкастонть

Социалистической велень хозяйствася те иестэ кирди серьезной экзамен. Сон должен масторонтень максомс 7 миллиард 900 миллион пондо зерна. Истятмо задача аравтсь минек велень хозяйстванть икелев ВКП(б)-нь XVIII-це конференциясь.

Тунда видемася ашти покш ды серьезной тевекс сэрей урожаень кие боропямосонть. Шкасто видемас, пүтомс модас весе сень, мезе макссь агрономической наукась, келейстэ применить велень хозяйствань передовиктнень опытэст,—весе те максы возможность поллучамс скупав урожай, кастамс колхозной трудочинть питнензэ.

Паро кулят сыть колхозонь паксятнестэ. Сынь кортыть колхозниктнень покш энтузиазмадост. Од виев трудовой подъемонть теизе СССР-нь Совнаркомонь ды ВКП(б)-нь ЦК-нь постановлениясь урожайностень покшолгавтомань ды животноводствань кепедемань кие колхозниктнень трудост дополнителной пандомадо.

Трудонь сэрей производительностесь, рабочей шканть плотналгавтоманзо кие боропямос, агротехнической правилатнень строгой соблюдениясь,—вана мезе вадрясь колхозниктнень роботасост те иестэ тунда видемасонть.

Урожаень кие боропцятнень ютксо улить ламо комсомолецт ды аволь союзной од ломать. Ардатовской райононь Чукалы велень комсомолецтнень видемань васень читнестэ саезь добовасть трудонь сэрей производительность. Комсомолецтнэ Яков Стенькин, Степан Кузнецов свал нормаст эйсэ топавтнить 175 процентс. Торбеевской райононь Сталин лемсэ колхозонь малав весе комсомолецтнэ роботыть паксясо. Рустаев, Янокаев ды лият невить паро пример роботасо.

Можна ёвтамс комсомолецнень сядот фамилият, кементь комсомольской организациат, конат настойчивойстэ боропцять сень кие, штобу нурька шкас ды вадря качества марто ютавтомс тунда видеманть.

Но комсомолецнень обязанностезь—аволь ансяк эстензэ вадрясто роботамс, но и виевгавтомс массово-разъяснительной роботанть паксянь стантнэсэ. Комсомолецтнень эряви добовамс сень, штобу звенась, бригадась, косо сон роботы, улевель образцовой, аволь нолда-брак роботасо, эрва чистэ вельска топавтневлизе норматнень. Покш работа тунда видемасонть ютавтыть Ладской райононь «III съезд Советов» колхозонь агитатортнэ-комсомолецтнэ. Сынь толковить партиянь ды правительствань решениятнень, сех покш мель явить Мордовской АССР-нь колхозниктнень трудост дополнителной пандомадо СССР-нь СНК-нть ды ВКП(б)-нь ЦК-нть постановленият толковамонть. Обеденной перерывень никасто ды роботадо мейле ютавтнить беседат.

Неть беседатне питнейть тенсь, што сын аволь отвлеченнойть, но кеместэ сюлмавозь алкуксонь роботанть марто, течинь чинть практиканзо марто. Агитаторсь виевстэ критикови недисциплинированностень эрва фактонть, пачти колхозниктнень сознаниясь, што те меши паксянь роботатнень успешнасто ютавтоманть, алкинйгавты урожайностень.

«III съезд Советов» вельхозартельсэнь вадрясто роботыть аволь ансяк комсомолецтнэ. Тесэ весе колхозниктнэ бажить седе курок прыдомс тунда видеманть. Секс самай маень 10-це чинть колхозось видизе малав пелензэ ранней зерновой ды бобовой культурань площаденть. Агитационной роботась, конань ютавтыть комсомолецтнэ, лезды икелепелень роботатнесяк.


Пшти, живой политической агитациясь мобилизови колхозниктнень сэрей урожаень кие боропямом, лезды трудонь производительностень кепедемасонть.

Но аволь весе комсомольской организациатне явить покш мель политической агитациятнень. Беряньстэ заботи те тевенть кие ВЛКСМ-нь Ельниковской райкомось (секретаресь Журавлева ялгась). Те районсонть улить ламо колхозт, косо арась вейкеяк агитатор ды беседчик.

«1 Мая» колхозсонть массово-разъяснительной роботась стувтозь. А зяро работа тесэ агитаторнть туртов! Тунда видемась ушодовсь аволь организованнойстэ, васень читнестэ жо кармасть сезневеме плановой заданиятне. Бути шабра колхозтнэсэ добовасть трудонь сэрей производительность, то тесэ выработкань норматнень а топавтнить. Вана неть вопростнень перька комсомолецтнэ-агитаторнэ должны виевгавтомс роботанть, саемс критикас асатыктнэнь. Но, кода неяви, комсомольской организациань секретаресь Родин ялгась а мелявты тенсь кие.

Лиясто эрси истяк: агитаторсь ловны газетасто ды журналсто башка статьят, эсь беседат а сюлмить местной эрямонь фактнэнь марто. Чарьковлеви, што истямо агитациясь а ламо канды лезэ, аволь пек виев. Нолдтнить ильведевкст сеть комсомольской организациатнэнь, конат насущной вопросонь коряс нурька беседатнень полавтнить покш лекциясо ды докладсо Большой Волгань проблематнеде, Омбоце Бакудо, вселенноень «тайнатнеде» ды лиядо. Истятмо агитациядонть, кода мерсь Хрущев ялгась, скалтнэ а касыть ды животноводческой ферматне а ламолгадыть.

Седе келейстэ аравтсынек агитационно-массовой роботанть тунда видема шкастонть. Те максы покш лескс паксянь роботатнень успешнасто прыдомасост.



Тунда паксянь роботатне «Лемжа» совхозсонть (Саранской район). СНИМКАСОНТЬ: Трактористэсь И. С. Сухов ды видиясь Д. П. Дудакон эрва чистэ вельска топавтнить выработкань нормаст.
Фотось Б. Козловонь.

МИНЕК РЕСПУБЛИКАНЬ ПАКСЯТНЕСЭ

Вадрясто ды бойкасто

Дружнасто моли колхозниктнень роботаст Алова велень паксятнэсэ. Трудонь сэрей производительность невить трактористнэ И. М. Устинов ды Л. А. Сорокин, конат «НАТИ» тракторсо 9 гектарт норманть таркас сокить 11—12 гектар. Парсте роботыть видиятнеяк. «Передовик» колхозонь видиятне Балыков А. С. ды Деряшкин Р. А. 13 рядной селласо 5 гектарт норманть таркас видить 7 гектарт, колхозникесь коммунистэсь Синьков ялгась маень

12-це чис видсь 200 гектар. Видить те колхозсонть отборной, соровой видмексэ. Видема шкастонть комсомолецтнэ а беряньстэ ладизь колхозниктнень культурной обслуживаниянть. Письмоносцтнэ кантлить паксяв газетат. Комсомолкась-учительницась Мартынова ялгась ловны художественной литература ды журналт.

В. Яковлев.

Атяшевской р-н.

ПРЯДЫЗЬ ВИДЕМАНТЬ

Михайловка велень «Пролетарский путь» ды «Свобода» колхозтнэ прядызь зерново-бобовой культурань видеманть. «Свобода» колхозось видсь весемезэ 287 гектар ранней зерновой ды бобовой культурат.

Паксянь роботатнесэ сех вадря об-

разецт невтсть видиятне А. Г. Ушанов ды В. И. Минеев. 4,5 гектартнэнь таркас сынь свал видсь 5—5,5 гектарт. Видемань качества вадря навест колхозтнэсэ.

Соловьев.

Ромодановской р-н.

Комсомолецтнэ вельска топавтнить норматнень

Киров лемсэ колхозонь комсомолецтнэ лездыть колхозонтень седе курок прыдомс паксясо роботатнень. Видема шкастонть сех ламо комсомолецтнэ невить паро роботань образецт.

Комсомолецэсь-трактористэсь Н. Юрченков ялгась сокамсто выработкань норматнень топавтни 140 процентс. Комсомолецэсь Горьев ялгась эсь тракторсонзо нормань коряс 5—6 гектарт-

нань таркас эрва чистэ сокс 8—8,5 гектарт.

Комсомолецтнэ паксясо ветить культурно-массовой роботаяк, бригадатнева нолдтнить стенгазетат.

Н. Иланкин,

Комсомольской организациань секретарь.
Ичалковской р-н.

Прядызь зерново-бобовой культуратнень видеманть

Минек республиканть келес зярыя колхозт прядызь зерново-бобовой, ранней культуратнень видеманть, кармасть пүтомо модамарть ды видема поздней культуратнень.

Ромодановской районсо 59 колхозтнэнь эйстэ маень 19-це чинть самс зерново-бобовой культуратнень виде-мась прядозь 42 колхозга.

Эсь шкасто ды парсте ютавтозь ранней колосовой культуратнень видемася Ст.-Синдровской районсо Куйбышев лемсэ колхозсонть.

Маень 11-це чинть самс 262,17 гек-

тар лангсо прядозель колосовой культуратнень видемася Дубенкань райононь «Красная заря» колхозсонть. Омбоце чистэньт ушодозь поздней культуратнень видемася.

Зерново-бобовой культуратнень видеманть Ичалковской районсо маень 15-це чистэ прядызь «1-е Мая» ды «2-я пятилетка» колхозтнэ, Теньгушевской районсо ранней зерново-бобовой культуратнень видеманть прядызе «13-я годовщина Октября» колхозось. Маень 15-це чинть самс пүтозельт уш 3 гектарт модамарть.

Трудовой резервань Главной Управлениясонть

Трудовой резервань Главной Управлениятнень кармасть сакшномо заявленият ошонь ды велень од ломатнень пельде ФЗО-нь школатнес тонавтнеме сынтс примамодонть. Тень кувалма Трудовой резервань Главной Управлениясь толкови, што 6 ковань перть тонавтнема срок марто ФЗО-нь школатнес призывенть (мобилизациянть) ютавтсыть те нень мионень 5-це чистэ 20-це чис трудиянть депутатнэнь районной, ошонь Советэнь исполкомонь призыв-

ной комиссиятне эрямо таркаст коряс ошонь ды велень од цёра ломатнень ютксто. Цёра ломатне, конат бажить улемс примазекс ФЗО-нь школатнес добровольной наборонь порядоксо, могут нейке уш макснемс ФЗО-нь школатнес примамодо заявленият трудиянть депутатнэнь районной, ошонь Советэнь исполкомтнень призывной комиссиятнес эсест эрямо таркаст коряс.

(ТАСС).

ШКОЛАТНЕСЭ ПРОВЕРОЧНОЙ ИСПЫТАНИЯТНЕ

Ансяк парсте ды
отличносто

Каятоць баягинень гайть. Тонавтни-
цятне конардоць, атак тално, совасть
классос. Эрвась эйстэ оршазь празд-
ничной одежасо. Вана совась учитель-
ница Марго Георгиевна ды ассистент-
нэ. Весе, теке вейке ломань, стаять
ды седейшкава здравость.

— Ну, кинь ули мелезэ сех икеле
отвечамс?—пшкадсь Марго Георгиевна.

— Монь!—смелстэ мерсь Горбунов
тонавтницясь.

Горбуновонь примерэнэ коряс,
сайстэ мель сех икеле кирдемс экзаме-
нэнь Глебова, Акаемов ды Акаевова.
Таргастэ билет ды кармасть арсеме.
Горбунов кувать эзь арсе, стаясь парта
экштэ ды мери:

— Мон анокан... Васень вопросом:
ёвтамс од союзной республикатнень
лемест ды неведе сынст картасто. Од
союзной республикатне истят: Карело-
Финской, Эстонской, Латвийской, Ли-
товской ды Молдавской.

Сайзе палкиненъ ды кармасть невт-
неме.

— Вана Карело-Финской ССР-сь.
Пелевё ёно сонзэ шить Баренцовой
ды Белой морятне, чивалгома ёно гра-
ничит Финляндия марто, юг ёно берё-
конзо шли Балтийской морясь. Южной
сухопутной границанзо таргавсть
Ленинградской областень видьга.

Истя жо вадрясто невинзе грани-
цасть Литовской, Латвийской, Эстонской
ды Молдавской ССР-тнень.

Кодак ансяк ответизе омбоце вопро-
сонть, учительница пшкадсь:

— Ну, саты тонь пельде, Горбунов,
давай отвечак, Акаемов.

Горбунов мызодозь озась тарказон-
зо, Акаемов кармасть отвечамо. Сон
парсте ёвтинизе СССР-нь европейской
часть полезной ископаемойтнень.

— СССР-нь географиянь содасак,—
мерсь тензэ учительница.

Весемезэ испытаниятнень маень 20-це
чистэнь 7-це «Д» классос кирдсть 11
ломань. Весе сынст получасть ансяк
паро ды отличной оценкат.

П. Сайя.

Саранск, 1-це школа.

Вейке классос

Антонина чатмони.

«Или провалит?—эськанзо кевкстни
эрва тонавтницясь.—Ну, арась, сон
аволь истамостнестэ». Антонина оправ-
дал ялганзо кемемаст. Ютась талакадо-
мась ды марясь, кода сон нурькинесть,
но вадрясто, чарькодевиксэ отвечась ве-
се кевкстнематнень лангс. Преподава-
телесь Антонинань фамилиянзо каршо
путь: «отлично».

Мельганзо лиссь Захарцева Марга-
рита. Маргарита ды Антонина—вадря
ялгат. Испытаниятненьгак сынст свал
аноктасть вейсэ. Школа самодо икеле
максыть вал а кадово мейкест вейкест
эйстэ. Маргарита эзь кадово ялганзо
эйстэ. Химиянь коряс получасть истяжо
«отлично».

Тонавтницятнень ответэст эйстэ не-
ви, што классос испытаниятнень
аноктасть а беряньстэ ды тонавтнама
иень прядеь успешносто.

И. Николаев.

Саранск, 14 школа.



СНИМКАСОНТЬ: Рузаевской железнодорожной училищань отличницатне-
комсомолкатне (керш ёндо витев) Катя Ухтинская, Шура Охотникова, Клава
Чигирева ды Наташа Юртайкина.

Фотось Б. Козловонь.

Ст.-Девичья
веленть
культурадонзо

Меельсь иетнень перть Ст.-Давичья
велесь кармасть улеме пек седе культур-
нойкс. Теде парсте кортыть вана кодат
факт. Велень эрицятне получить 566
экземпляр центральной, республикан-
ской ды районной газетат. Покшто
кайсь колхозниктнень интересэст ды
спросот художественной, политической,
велень хозяйствань ды научной лите-
ратурань лангс.

Велесэнь улить кавто библиотекат:
школьной, косо лововить 2 тыщад ла-
мо книга ды веленцесэнь 935 книга.
Школьной библиотекасонть 412 ловны-
ця, веленцесэнь—268.

Культурно-просветительной покш ро-
бота велесэнь ютавтыть средней шко-
лась ды клубось. Клубсонть ды школа-
сонть сеетэсть ютавтивить художест-
венной самодеятельностень вечерт, эр-
сить докладт ды лекцият, путневить
пьесат.

Культурнойкс теевсь колхозниктнень
кудоткак. Колхозниктнень квартирань
киякстэ эрсить свал ванькстэ шлязь.
Киякстэ аволь чуросто можна васт-
омс половикть, вальматнесэ—занавес-
кат, ценят.

Общественной таркатнесэ ды колхоз-
никтнень квартирасост ванькчинть ды
культурностень кие борозамось сех
пек виензась XVIII-це партконферен-
циядонть мейле. Вадря инициатива
тень коряс невтэсь велень комсомолетнэ
ды од ломатне, средней школань то-
навтницятне ды учительтне.

Ельниковской р-н.

Ф. Клоков.

Теезь ваньксчи ды порядок

Покш Маризь велесэ ламо ульнесть
пельс лондадозь-каладозь лисьмат. Уль-
несть ведьтеме, кадозь, но апак вая
лисьматкак. Зярдэ веть ютат ульцява,
секенъ вант козоньгак прат.

Колхозниктне витнизь весе каладо,
берянь лисьматнень ды вализь модасо
сетнень, конатнесэ арась ведь.

Покш робота ютавтозь велесэнь
ваньксчинъ теаманъ коряскак. Неть
читнестэ ульцясто, кудотнень икель-
де урядазь весе навозось, ды эрва
кодамо хламось. Ней велеськак кар-
мась невямо икелень коряс мазыкс.
Седе культурна кармасть улеме кудот-
несэяк.

В. Беляков.

Чамзинской район.

Кода теемс живой уголок

Живой уголокось—юной натуралист-
нень лаборатория. Тосо сынст кепедить
биологиянь коряс эсь знанияст, истя
жо тонавтит самостоятельной роботас.
Живой уголоконт пек покш лезэзэ
естествознаниянь коряс классной робо-
тасонтькак. Сонзэ эйс пурнамс истямо
материал, кона карми эрявома лабора-
торной роботатнесэ ды естествознаниянь
коряс живой объектнень невтнемстэ.
Живой уголокос юнатнень опытно-ис-
следовательской роботань результатнень
можна использовать классной занятия-
несэ.

Минек республикань ламо школасо
те шкас яла арась живой уголокт.
Тень толковакшныть сень эйсэ, што
буто арась помещения, арась сатышка
средстват оборудованиань теемс ды пе-
дагогтне аволь сатышкасто аноктазь
натуралистической роботань ветома.
Кой-кона школатнень ды юной натура-
листнень кружоктнень роботань опытесть
невити, што весе неть препятствиятне
могут улеме изнязь.

Живой уголоконт туртов эряви баш-
ка комната. Сон улэзэ вадло, покш
вальма марто, конат ваньтыть югов или

юго-востоков. Бути арась башка ком-
ната, сестэ живой уголоконт можна
теемс естествознаниянь кабинетс. Рас-
тениятнень ды водоемонь вишка оби-
татель марто. Кедгетнень туртов эряви
теемс полкат вальматнес ды сынст пут-
нема тарка стенатнес. Кой-кона объект-
нень путнемс стенатнень кувалт столь
лангс, истяжо можна путнемс вальмань
кавто раматнень юткс таркантень.
Тесэ нупонь юткс, чувто пень ды
тараднэ юткс, песок юткс вадрясто
ютавтыть теленть эрва кодат насеко-
мойтне, пресмыкающейтне ды лия жи-
вотнойтне.

Живой уголок можна теемс чаво
коридорскак, ансяк эряви сонзэ пирамс.
Растениятнень ды животнойтнень пар-
сте аравнемась теи школасонть седеяк
покш уют ды кепедьсынзе тонавтниця-
нень бажамост натуралистической ро-
ботантень.

Оборудованиясь—ведьсэ эрицятне-
нень ды растениятнень кедьгесэ—
аволь питней. Ламо оборудованиа мо-
гут теемс тонавтницятне сынсэ (столь-
неть, садки, террариумт ды лият). Жи-
вотнойтнень андоманть туртов эйкакш-

тне кизна могут аноктамс сэрят, дре-
весной породань видметь, коткудавонь
алт, ягодат, веточной корм ды лият.

Живой уголоконь условиятнесэ зо-
ологической материалонь кирдемась пек
седе стака ботанической материалонь
кирдематнень коряс, секс, што сонзэ
мельга свал эряви ванномс ды ветома
уход. Ботанической характерань мате-
риалтнень мельга уходось пек седе
шождыне, секс сынст эйстэ сех ламо
эрсить живой уголоктнесэ. Живой уго-
локонт теемстэ ды сех пек васень
шкастонть а эряви панемс объектнень
ламокчинть мельга.

Живой уголокос эряви кирдемс зо-
ологической истямо материал: а) калт—
гуйкал, кивкал, пескарь, карась,
окунь, линь, карп. Весе неть калтэ
парсте раштыть аквариумс. Аквариум-
сонть, козонь кельги ведь 60 литра,
веленть срезэ улэзэ 20 сантиметрадо
аволь седе покш, лембезд—20—25 гра-
дус пельсиянь коряс. Улэзэ песоконь
грунт, тосо эрва кодамо растеният.
б) Ведьсэ лия эрицят. Рана тунда,
кизна можна муемс: скорпионт, эрва
кодамо пирькуонь, ручейникнень ды
сеськень личинкат ды лият. в) Земно-
воднойть (ватракшт, жабат, аксолотт)
ды пресмыкающейть (метькаст, ёзнэть

ды черепахат). Террариумс сынст кир-
демась аволь пек стака. г) Нармуть:
чиж, заблик, овсянка, снегирь, пиже
озяз, дрозд, цёков, малиновка, пиль-
мар ды лият. Нармутнень кирдемс эря-
вить клеткат, вольфт. Эрвантень эря-
ви эсь шкасто аноктамс эрявикс ко-
ром. д) Млекопитающейть: морской
свинкат, крысат, чеерть, кроликть или
нумолот, сеель, ур, суслик, хомяк.

Живой уголоконт весе обитательт-
нень мельга эряви ветома эрявикс
уход. Тосо можнатейнемс зярый опытт,
тонавтнемс животнойтнень боест.

Кизна сех паро пурнамс ёвтазь насе-
комойтнень ды животнойтнень. Эрва
экскурсиясь максы ламо живой мате-
риал, кона пек эрявома карми биоло-
гиянь, ботаникань, естествознаниянь
курсонть ютамсто.

Преподавательтнень, старшей пи-
онервожатойтнень эряви кизна орга-
низовамс сень, штобу пурнамс зоологи-
ческой ды ботанической материал.
Неть материалтнень пурнамось теке жо
шкане карми улеме вадря оймсемакс.
Седе ламо тейнемс походт ды экскур-
сият.

Д. Григорьев,

Юной техникнень ды натуралистнень
республиканской станциянь агроном.

Од ломанень звенат

1. Голушовонь звеназо

Редкодубьевской «Красногвардеец» колхозонть Петр Александрович Голушовонь звенасонзо весе од ломать. Ды сонстензаяк звеневонентень а умок то-подеть комськолмово ие. Ды аволь ансяк васенце бригадасонть, но весе колхозсонть звенас ловови сехте вадрыкс.

А кенери лиснеме чись, Петр Александрович эсензэ звенанть марто эри уш паксясо.

— А ну, цэрят, таргатано ды—тевс. Течи эряви теэмс исенде ламо. Истя ведь? — цигаркань теэмстэ кевкстни звеневоевс.

— Нама тейдяно исенде ламо. Ансяк эряви икелев нолдаме Абрадинень, сонзэ алашатне седе бойкасто якить.

Комсомолец Александр Григорьевич Абрадин вана уш колмоце ие роботы неть алашатнесэ, конатненъ ней весе ловить сех бойкасто якипакс. Ды сон аволь ансяк роботы эйсест, мельгаст вети паро ухадгак. Сайсь сынст лангсо шефства.

— Ну, цэрят, туинек. Ды весе сеске жо нолдыз эсь плугтненъ, сайзь кедезест ождитненъ, сыр-гаст алашатне ды лемехтне пезнасть раужо, летьке модантень.

— Хреков, ланга некак сокот, эряви седе алга, — мерсь звеневоевс. Сон ды Абрадин парсте ваньты роботань качестванть мельга. Колак ансяк неить кияк мезеяк а истя теи, сеске жо сонзэ ильведксэнть витьсызь. Сеске сокамонь коряс звенанть весе роботазо отличной. Истя корты колхозной агрономось, истя кортыть весе.

Сейлкасо видицксы роботыть кавто од цэрят. Абрадин 11 рядной сейлкасо нормань коряс 4 гектартненъ таркас видекиши 7,5—8 гектарт. Сидоров ялтаськак эрва чистэ норманзо топавт-ни 150 проценте...

Валгсь чизэ. Сонзэ меельце струятне ёматотъ васоло неявиця вирень чувтнень юткс. Чопотець. Весе лоткасть

роботамодо. Те шканть сась бригадирсь В. Сидоров ялгась.

— Ну, бригадир ялгай, ёвтак зяро теинек? — кевкстнить цэрятне.

— Тыяк койсэ зяро?

— Тон тонсь ёвтак...

— Исяк норманть коряс сокиде 0,25 седе ламо. Ней, течи—пель гектар.

... Мельспаросо, моро марто цэрятне тусть кудов, оймсеме. Модемстэ зярсая раксесть омбоце бригадасто кавто изыпачтненъ—Федор ды Александр Долотовтненъ лангсо, конат работамо шкасто матедевкшнестъ, кадокишыз эсь алашатненъ кохозникентень Назаров ялгантень, кона изась сынст кияк, колмо парасо.

2. Весе лиснильть паксяв

Надежда Дмитриевна Егоровань комсомольско-молодежной звенась Смольковка велесэ Сталин лемсэ колхозсонть васенцеке прядызе 37 гектар лангсо ранней яровой ды бобовой культуранъ видеманть.

Те звенась ютавтсь сехте покш робота 100 павдонъ урожаень кис боро-циямонть коряс.

Звенасонть сехте ламотне тейтерть. Сынст эйстэ сисем. Цэрятнеде колмо. Сокасть ды видеть ансяк сынъ, цэрятне—велень хозяйстванъ Всесоюзной выставкы кандидатось С. А. Стянин, комсомолец А. В. Гришин ды Н. Я. Егоров ялгантне. Весе сынъ эрва чистэ малав 200 проценте топавтнелиз нормаст.

Эть аштекине кудосо тейтертнеяк. Сынъ эсест звеневоненть марто вейсэ чистэ яксильть паксяв, максильть подкормка озимойтненъ, ускильть минеральной ды местной удобрения яровой культуратненъ алов. Егорованъ звенанть участкисонзо вейкеяк гектар эзь кадово аволь удобреннойкс.

Покш урожаень кис бороциямонъ в-сенъ этапось прядозь отличной оценка марто.

Ив. Антонов.

Ардатовской р-н.

Лекция социалистической экономикадонть

ВКП(б)-нъ XVIII-це конференциянь рещенияне карматъ промышленной предприятиянь руководителнень седе вадрысто тонавтнемс эсь производстванъ экономиканть. Штобу кепедемс сынст экономической знаниясть, ВКП(б)-нъ Атяшевской райкомось наметил теэмс зярыя лекция социалистической экономикадонть.

Нетъ лекциятненъ ловныть аволь ансяк райцентрасо, но лия велетнесаяк. Примеркс, маень 15-це чистэ Алова велень клубсо ульнесь лекция: «Расширенное социалистическое воспроизводство». Лекциянь ловнызе ВЛКСМ-нъ райкомонъ секретарсь Калянов ялгась.

Н. Васильев.

Атяшевской р-н.

Художественной самодеятельностень концертно-эстрадной группатненъ работадо

Художественной самодеятельностень жувалт те иень марто 31-це чинь номерсэнтъ «Правда» газетанть икельсь статьясо мерезь: «Драматической ламо кружокт, конат увлеклись классикнень произведенияст, покш ды сложной пьесанъ невтемасонть, ёматвиз эсест оперативной агитационной функцияст. Сынъ художественной эсь средстватнесэ а примакшныть участия производстванъ эрямосонзо. А мекс бу а налксемс вейке актсо пьеса, скетч, конатненъ сёрмадовлизе бу литературной эсь группас тосконъ тема лангс, мекс а пеелемс браконъ тейниятненъ ды пузактнень, мекс а невтемс трудонъ энтузиастнень? Драмкружковецтвенень а эряви отказакшномс эстрадной выступленийтнеде, а эряви мезекскак а ловомс истямо форманть, кодамо живой газетась. Ды аволь ансяк драматической кружоктне. Художественной самодеятельностень весе коллективтне улест малагиксста сколмавозь предприятиянень, колхозтнень эрямост марто».

Эряви художественной самодеятельностень коллективтненъ работасть аравтомс истя, штобу сон лезаволь пред-

приятнйтнесэ, колхозтнэсэ трудонъ производительностень кепедемантень, продукциянь качестванть вадрыгавтомантень, плантнень топавтомантень.

Концертно-эстрадной группанть зада-чазо ашти сенсэ, штобу анокташномс выступления злбодневной материалонь коряс, местной производственной ды бытовой теманъ коряс.

Эряви улеме кеместэ сколмавозекс ствгазетанъ редколлегиятненъ, литкружоктнень марто, концертно-эстрадной группатненъ роботантень терднемс местной поэтианъ ды писателнень. Весе те лезды теэмс художественной паро материал выступлениятненъ туртов.

Выступлениянь программанть аноктамонзо марто ве шкане, концертно-эстрадной группантень эряви ветиамс воспитательной роботаяк, занятиятненъ ютавтнемс терднемс искусстванъ роботнйтнь или клубной лия коллективнень руководителнень.

Косо карми улеме теэзь концертно-эстрадной группа, тосо те или тона клубонъ художественной самодеятельностень лия коллективтненъгак а



Маень 18-це чистэ Рузаевкасо ютавтозель профсоюзтнень кросс. СНИМКАСОНТЬ: Кроссонть участниктне, конат невтсь сех вадря резуль-татт 1000 ды 500 метрас чиemanъ коряс (керш ёндо витев) Леша Карташев, Вася Коктабойцов ды Рая Пешехонова. Фотось Б. Козловонь.

Сёрмадомс чарькодевиксстэ, а колсемс эрзянь келенть

Сюпав ды мазый эрзянь народной келесь. Ули грамматиканоккак, улыть теэзь валтнень видестэ сёрмадоманъ правилат. Бути жо минъ сайсынек минек художественной литературанть, то сонзэ эйстэ мукшнотано эрва кодат тапарякст, келенть колсемат, а чарькодевикс таркат. Тень эйстэ, эряви меремс, ламодо зависит те или тона произведениянь успехезяк. Ловны-цисъ произведениянь берянь ды паро ёнксонзо неи сенъ кувалтак, кодамо писателнень келезэ, грамотнойстэ ли тейни предложениятненъ. Тень коряс вана писателнень ды поэтианъ ули мезень кис сёвномс. Теде башка, кой-кить колсиль эрзянь валтнень, эрвась сёрмады кода тензэ паро.

1941-це иестэ «Сятко» журналонъ васенце номерсэнтъ печатазь Радаевень «Виськс» ёвтемасо. Тосо сонзэ ули кодамо бути вал «гурыкадсь». Минек койсэ те валось аволь литературной ды бути сон вообще ули эрзянь кельсэнтъ, то пек аламо велесэ. Сех ламонъ таркава жо те валонть а чарькодсьсызь. «Матедевсь» валонть таркас авторось сёрмады «матидевсь». «Обран атя» вейке таркасо сёрмадозь вейсэ, омбоце таркасо башка. Ды истя тейнить лия автортнеяк. Вейке сёрмады, примеркс,

«Митя атя», омбоце жо—«Митятя». Тесэ чумост ули редакциятненъгак.

«Митя атя» валонть минъ примеркс ансяк сайнек. А ведь ламо истят валт вастневить, конанъ эрвась сёрмады эсь койсэ. Радаев сёрмады «прощась», лият жо—«прощтась» или «простась». Кодаяк а чарькодеви, мейсэ Радаев ялгантень эрвась рузонъ «может» валонть таркас теэмс «можно»?

П. Арпишкин «Володя» ёвтемасонзо сёрмады «ёрясь», сестэ, кода эр-зятне кортыть «ёртнесь». Вастневить сонзэ истят таркаткак: «Пачканзо ютась якстереватой, мутязь свет». Те уш ал-куксонъ нарьгамо эрзянь келенть ланг-со. Давайте карматано кортамо: «як-тереватой», «пижеватой», «васолова-той», «кувакаватой»—мезе сестэ лиси. Эряви меремс, што сестэ лиси пек «беряневатой» тев.

Писателнень пек эряви роботамс келенть лангсо, сёрмадомс истя, штобу авольте уле а эрвикс валт, тапарязь предложеният. Теде истя, штобу про-изведениянк чарькодевелть ловнычат-ненень.

Г. Жарков, А. Солодовников, Саранской педучилищанъ тонавт-ният.

эряви стувтнемс общей задачанть: тей-немс выступления актуальной теманъ коряс.

Концертно-эстрадной группанть сос-таво улест сех вадряморыят, налкш-плат, ловныят, музыкальной инстру-ментсэ седицят, эстрадной ды цирковой номеранъ исполнитель, 3—4 ломать, конат маштыть налксеме скетч, мивиа-тюрт, спенкат ды лият, киштипат ды масовикт-затейникт. Можна терднемс поэтт, писателть, сказительт, частуш-кань морсичат.

Вейке программанъ аноктаме сатыть 8—12 ломань. Бути седе ламо ломать арсить примамс участия концертно-э-страдной группанть роботасонзо, сестэ можна ве шкане аноктаме седе ламо выступления вейке или зярыяк теманъ коряс.

Группасонть улезэ эрва шканъ ак-компаниатор (репетиционно-постановоч-ной роботанъ кис) ды балнист (выступ-лениянь кис).

Группасонть общей ды художествен-ной руководстванть вети руководителъ-общественник, конанъ эряви выдвинуть коллективнень сехте паро участник-ненъ ютксто.

А берянь ули теэмс режиссерской коллегия 3—4 ломаньстэ. Сынъ активно кармить участвовать репертуарно-пос-тановочной планонъ аноктамосонть, вейтть постановочной ды тонавтоманъ работа исполнительтненъ марто.

Концертной группантень выступать эряви аволь ансяк клубсо ды ловнома кудосо, но истяжо оймсема шкасто пех-сэ, строительной площадкас, столовой-сэ, паксясо ды лия таркасо. Эрва косо, занавестаме ды музыкальной ин-струменттэме, коть кодамо условиясо ды коть кодамо валдонъ пингстэ можна организовамс концертно-эстрадной груп-панть выступления.

Группантень эряви тейнемс выступ-леният производстванъ, колхозонъ эр-ямонъ, роботанъ вопростванъ коряс, налксекшнемс сех вадря произведеният-ненъ, конат эрсить печатазь литератур-ной журналтнэсэ, эстрадной репертуа-ронъ сборниктнесэ, ловнокшномс отрыв-кат романсто, повестьстэ, морсемс мо-рот, невтемс лия номерт.

Производственной ды местной темат-ненъ эряви оформлять монолог лапо, фельетонкс, басняке, морокс, частуш-какс, сценкакс-диалогкс.

Концертно-эстрадной группанть эрва выступлениясь улезэ идейно насыщен-нойкс, художественно полноценнойкс. Эряви бажамс сенень, штобу ванычат-ненень, кунсолычатненень видестэ, чарькодевиксстэ пачтыамс текстанть содер-жаниянзо.

Концертно-эстрадной группанть робо-тасонзо можна использовать живгазе-танъ паро ёнкстненьгак.

В. Панфилов.



Васень заявкат

Саранск ошонь комсомолетнэ ды од лomatне аноктеть комсомольской газетатнень лемсэ массовой кроссонть. Неть читнестэ ламо первичной организациява ютавтозь собрания, косо толковазель соревнованиятнень аноктамонь вопросось.

Комсомольской организациятне кармасть уш максеме заявкат кроссонть участиян примамонть туртов. Максеть заявкат связень управлениян, металлкомбинатонь, пенькотрестень, республиканской библиотекарн, педучилищань комсомольской организациятне.

Соревнованиятнень успешнасто ютавтомасонть пек покш значениязо участиян тренировка. Тень парсте чарькодизь ошонь зярря комсомольской организациянь руководителне ды кундасть уш тева, кармасть регулярна ютавтне тренировочной занятия.

Неть читнестэ ули организовазь судейской коллегия ды аноктазь дистанциятне.

Эрва комсомолецэ ды комсомолкась соревнованиятнэс карми бороямо эсензэ команданть честензэ кис, первичной организациянть ды ошонь комсомольской организациянть честензэ кис.

Е. Фролов,

ВЛКСМ-нь Саранской ошонь комитетань военно-физкультурной комиссиянть председател.

Сонзэ роботазо—пример лиятненень

Теезь 4-це четвертьнэ успеваемостьн итогт. Гузынца велень неполной средней школоса васенце тарканть завизе 2-це классось, конань эйсэ тонавты Алексева учительница. Те классонть успеваемость ловови 90 проценттэ покш. Кодамо ладсо сон добовасть истямо успеваемость?

— Тень кис мон путынъ эсь икелень задача,—корты Алексева ялгась,—кемекстамс дружанть комсомолонть ды эйкакштнень тетяст-аваст марто.

Алкукскак, сон сеетъстэ яксиль тонавтиятнень тетяст-аваст туртов, ёвтиль кода эйкакшост тонавти, кода тонавти кудонь заданиянзо. Комсомолетнэнь марто вейсэ организовакшность хоровой ды драматической кружокт, конат аволь ансяк виевгавтсь самодеятельностень, но и лездасть успеваемостьн кепедемасояк.

Сонзэ классонь тонавтиятне тонадсть ванькстэ сёрмадомо ды выразительна ловномо.

С. Кручинкин.

Б.-Березниковской р-н.

Маень 18-це чистэ Саранскойс Инсар лейсэнь ульнестэ ютавтозь республиканской соревнованият венчэ укшномань коряс.

СНИМКАСОНТЬ: Соревнованиятнень стартось. Фотось Ивенинэнь.



Ютась недлячистэнь Саранск ошсо ютавтозель эстафета «Красная Мордовия» газетанть лемсэ. Изниакс лиссь «Спартак» добровольной спортивной обществанть командась.

СНИМКАСОНТЬ: «Спартак» обществань командась. Фотось А. Кочинэнь.

Художественной литературынь активной ловныцят

Эрва чистэ Кабаева велень средней школань библиотекантень сакшныть ламо тонавтият, кортнить вейкест-вейкест марто, ёвтинь седе, кие мезе ловнось, мезе тусь мелезэнзэ. Полавтинь ловнозь книгатнень, сайнить лият.

Тонавтиятне парсте содасызь русской ды мировой литературынь классиктнень произведенияст, парсте содасызь советской литературанть.

Ветепе «В» классонь тонавтият Долганов Володя ловнось 55 книга, секе жо классонь тонавтият Слугин Володя ловнось Гоголень, Толстоень, Крыловонь, Тургеневонь, Горькоень, Фурмановонь, Маяковскоень произведенияст.

Миша Инжеваткин (5-це «В» класс) ловнось 60 произведения, сыист ютксо Гоголень, Горькоень, Джек Лондононь, Жюль-Вернэнь, Катаевонь ды лия писателень.

Е. Агеев.

Дубенской р-н.

Сириясь (Справка)

Сириясь—аволь покш арабской государств, кона ашти Ближней Востоконь куншкосо. Сириянь площадезэ 150 тыща квадратной километра; эрицяно 3 миллион 500 тыща ломань (сехте ламо араб, теде мейле туркмент, курдт, армянт, еврейт ды лият).

Сириянь сехте покш ошокс аштит Дамаскось—масторонть административной пентразо 250 тыща ломань эрия марто, Бейрут портось, Алеппось—сехте важной чугункань кинь узелэсь, Триполи портось ды лият.

Сириясь—аграрной мастор. Моданть малав 8/10 пельксэнзэ аштит крупной помещиктнень ды местной колониальной чиновниктнень кедьсэ. Мاستоронть видесть площадензэ покш пельксэсь видневкши товзюросо ды шужсо. Виевстэ развитой животноводствась.

Сириянь промышленностезэ ашти почтонь яжамо тевстанть, растительной оень, сапонень, шелконь производствостонть. Сириясь лия масторовски животноводствань продуктат, фруктат, эмежть, шёлк; лия масторостонь металлургической изделия, машинат, хлопка, тканть, химикалият.

Васенце мировой войнадонть икеле Сириясь ульнестэ Османской империянь (Турциянь) пельксэкс. Войнадонть мейле жо сон нациятнень Лигань мандатонть коряс ютась Франциятнень

подмандатной территориякс.

Сириясо национальной движениянть лепштымонзо ало Франциясь ульнест карматозь максоме 1936 иестэ алтамо максоме Сириятнень колмо иень ютазь независимость, но те алтамось ульнест апак топавто.

Сириянь верховной комиссарокс ашти французской генералось Денц.

Сирийской парламентанть панпемадонзо мейле ды 1930 иень конституциянть отменадо мейле, лиякс меремс 1939 иень июлень 10-це чистэнь саезь, Сириянть эйсэ управлениянть ветясь Директория, конань прывтсо аштось верховной комиссар. Всеобщей национальной стачкась, кона 1941 иень мартсто ютась весе масторганть, демонстрациятне ды митингтне, конат таргакшность сядот тышат сириецт, карматызь французской властнень теемс уступкат ды теемс сирийской правительствась. Апрель кованть ушодовомсто Денц генералось од сирийской правительствань прывтокс аравтызе Халед Аземень, кона теде икеле ульнест промышленной палатань председателкс.

Неень шкастонть Сириясо французской армиясонть, швейцарской печатанть данноензэ коряс, лововить 30—60 тыща ломань. Седе ламотне эйстэст—колониальной войскаст.

(ТАСС).

Европасо, Африкасо ды Азиясо войнась

(Маень 19-це чистэ военной действиятнень дневник)

Германской командованиянть сведкасонзо пачтнени, што маень 18-це чистэ ды 19-це чинь каршо вестанть германской вооруженной вийтнень операцияст ульнест полдазь, сехте пек, английской торговой суднатнень каршо, конат аштит Англиянть маласо ды Атлантической океанонь северной пельксэнь.

Английской авиациясь маень 19-це чинь каршо вестанть тейсь налет Эмденанть ланге, Кильсэ судостроительной верфтнень ланге ды истя жо Шербурго доктнень ланге.

Северной Африкасо, Тобруконь ды Соллумонь районтнэс, тешкетнени, разведывательной частнень действия. Средиземной морянь бассейнасонть фронтонь весе участкатнэс военной действиятнэс активной участия прими воювиця ёкштнэнь авиациясь. Германкой самолетна тейсь налет Крит островонть ланге. Итальянской авиациянть соединениятне бомбардировизь Тобруконь базанть ды Суэцкой каналонь зонанть. Английской бомбардировщиктне атаконизь Бенгазинть, Дернанть, Эль-Газаланть, Баркунть ды немецкнень ёндо оккупировазь греческой территориинть лангсо аэродромтнень.

Восточной Африкасо, Абиссиниясо, английской частне, конат кружизь Амба-Алага виев крепостень, карматызь тосо уликс итальянской гарнизононь ютамс пленс англичантнэнь. Итальянской командованиянть сведкасонзо невтнени, што итальянской гарнизононь марто вейсэ саезь пленс Аоста герцогось, Абиссиниясо итальянской войскактнэс командующеесь ды Итальянской Восточной Африкань вице-корольс.

Ираксо военной действиятне мольт западной ды южной фронтнэс. Иракской частне, конат оперировать западной фронтсонть, тешкетнени иракской командованиянть сведкасонзо, карматызь потамо англичанонь отрядтнень. Басрань районсонть (южной фронт) англичантнень ды иракской частнень ютксо бойтне, Ассошиэйтед Пресс агентстванть сообщенинзо коряс, мольт ошонть томбале. Английской авиациясь яла бомбардировась иракской ды сирийской аэродромтнень. (ТАСС).

Египетской армиянть генеральной штабонь икелень начальникнень оргодемазо

Рейтер агентствась пачти, што египетской правительствась яволявсь тыща фунтт стерлингт награда сенень, ки ёвтасы египетской армиянть генеральной штабонь икелень начальникнень Азиз Аль-Мысри-пашань эрямо таркадонзо. Азиз Аль-Мысри-паша содазь Берлин—Рим—Токио осень державатнень прок сторонник. Маень 16-це чистэ сон ливтась самолетсо, конань пилотировизь египетской кавто летчикть-офицерт Алмаза аэродромстонть (Каиранть маласо), кода неяви масторонть ливтимо бажазь.

Агентствась невтни, што воздушной властнень контролест кувалма самолетось ульнест карматозь валгомс, но валгомсто сон эшкесь телеграфной провод лангс ды тапавтсь. Весе колмонест ламотне, конат ульнест самолетсонть, оргодеть ды, кода арсить, пачкодеть Каирэв, косо сныл кекшнить неень шкастонть.

(ТАСС).

Ответ. редакторсь А. ЩЕГЛОВ.